

直隸霍州志目錄

卷首

圖

州屬總圖

州境

霍山

州城

學宮

卷一

沿革

卷二

星野

卷三

疆域

里甲附

卷四

山川

卷五

城池

卷六

官署

卷七

驛站

舖遞附

卷八 關隘 營汛附

卷九 水利 津梁附

卷十 物產

卷十 倉儲

卷十 賦役 榷稅鹽法附

卷十 學校 書院義社學附

卷十 祠廟

卷十 風俗

卷十 機祥

卷十 古蹟 陵墓寺觀附

卷十 封爵

卷十 秩官

卷二 宦績

卷二 科目 恩拔副歲例貢附

卷二 仕籍 援例封典附

卷二 人物 賢哲 宦業 寓賢

卷二 列女 貞節 賢媛 篤行 文苑 方技 仙釋 誠早婚說附

卷二 藝文 上中下三冊 舊志原敘附

直隸霍州志卷二十四

下冊

列女

賢媛

趙城縣

元

宋氏李益妻孝子李忠母也夫蚤亡子幼年三十歲勤紡織事舅姑至老不衰至正元年旌表其門

張氏徐穀妻從夫宦永濟倉夫卒家貧無依扶柩歸葬大德秋八月地震所居屋傾塌舅爲所壓氏倉皇瓦礫中扶出指血淋漓不知痛事姑教子祭酒蔡文淵

爲作傳

張氏郭德元妻十六歲于歸二十四歲夫亡哀毀幾絕  
紡織教子讀書卒年七十七至正間表其門

趙烈女元時寇亂女二十未嫁虜驅迫以行度不能免  
紿賊曰願取所藏金與子偕往賊信之遂與還投井  
而死後人有藏金女子詩見藝文

明

師氏喬貫妻師岡女正德辛未遇賊不屈死之

賈氏王大威妻寇變城陷罵賊不屈投井死

史氏賈秉英妻遇賊不屈投崖死

金鄉女子山東金鄉楊表正任本學訓導其女隨任未  
適人時值寇亂爲賊掠馬上得間以隨身金縷帶縊  
梨花下後人爲金鄉女子梨花行弔之入藝文

李氏太學生賈澄妻年二十三夫亡無子誓志終天事  
舅姑始終如一正德丙辰旌表其門

張烈女張汝強女名雪梅崇禎五年冬爲賊所掠挾之  
馬上行經大節溝投崖死時年十六後人張雪梅作  
大節溝行弔之

王氏生員張其治妻其治歿一子甫周歲苦守四十餘年教子讀書在庠有文名

喬氏楊汝槐妻二十一歲喪夫孀守六十餘年教子自榮爲邑生員得旌表如制

賈氏劉翹甫妻夫亡氏十七歲有遺腹子元鳳後爲霑化令氏孀節五十餘年旌表如制

師氏賈學禮妻幼年喪夫苦節五十年旌表如制

王氏師孔妻年二十一歲喪夫孝事舅姑苦節五十餘年

羅氏生員賈三才妻幼年喪夫苦節四十餘年旌表如制

國朝

王貞烈女本邑生員王掄元之女幼字衛生及長未結褵而生死女遂自縊前令羅君表其墓曰貞烈

李氏生員閻承詔妻夫亡無子忍死養姑姑病三年湯藥必親調守節五十一年卒

閻氏張愼行妻年十六夫亡遺娠生子貞節自矢撫孤存祀入節孝祠

張氏王縉妻縉出賈卒於客邸氏年二十二寄居母氏  
百計歸夫襯親負土纍其墓男女婚嫁次第備舉苦  
節三十九年祀節孝祠

王氏盧文炳妻青年矢志教子克家年七十餘卒祀節  
孝祠

晉氏生員衛康妻蚤年喪夫柏舟自矢教子成名年七  
十餘卒祀節孝祠

晉氏生員李世藩妻夫蚤逝苦節五十年祀節孝祠

王氏廩生閻襄泰繼妻青年守節白首完貞旌表入

祠

李氏王伯楊妻夫死守志孝慈兼盡五十年如一日祀節孝祠 以上皆本通志

高氏生員王喆之妻青年矢志皓首完貞孝事舅姑義方教子子廷亮廷梅廷獻廷訓皆邑庠生廷詩爲上舍生 旌表入祠

王氏李繼祖之妻二十二歲夫逝冰霜自矢遺娠生子艱苦備嘗姑療二十餘年氏奉湯藥寢食終始不懈翁齒邁委曲奉養壽享遐齡邑人公舉請 旌如制

直隸卷之七  
劉氏申序之妻生員申中瑾之母也夫亡氏二十三歲  
生子四十二日苦志守節紡績度日奉舅姑各登上  
壽歷五十餘年邑人公舉請旌如制

湯氏李霄志妻結褵三載夫亡時年二十一歲姑逾七  
旬兒未五月氏以婦代子以母兼師閱歷艱難慈孝  
兼盡前令詳請旌表如制年五十七歲端坐而逝  
子培蘭孫三鎬鑑鐸皆邑庠生

張氏劉湓妻太學生劉爾康母操凜冰霜旌表建坊  
如制

鄭氏張師載之妻夫亡氏十九歲遺子在抱舅姑抱病  
七載氏視湯藥不懈紡績課讀孝慈克盡子任庠生  
孫步青亦畧年入泮四世同堂闔邑推重已沐旌  
表

續氏賈遵訓妻訓沒氏年十九無子家赤貧翁姑垂邁  
氏誓死苦守養生送死皆出於十指後以賈鉉爲嗣  
教之成立蔣督學給鴈慈祝孝扁獎其門

陳氏太學生張裕妻廩生夢瑞母夫歿子方總角舅齒  
衰邁氏以婦代子誠孝備至夜紡伴讀孀幃月落猶

見篝燈蔣督學給丸熊遺範扁獎之

班氏州同知孔聞詩之妻夫亡氏二十三歲母範端嚴  
子瑞明經孫紹先弱冠游庠瑞歿與媳王氏紡績不  
懈壽登八旬里人稱孔氏雙節

高氏李緒宗之妻夫亡氏二十一歲姑年衰病子方在  
抱氏以女紅給菽水及姑歿喪葬盡禮育子閔斯心  
力俱瘁邑人咸稱純孝苦節

張氏高進之妻生員來峰母夫歿氏年二十五歲遺娠  
生來峰氏冰霜自矢茹荼訓子卒年七十四歲

樊氏恩貢生衛廷璧繼妻十六歲適衛夫年六十有五  
越數歲生一女而夫故氏柏舟自矢媳賈氏先孀龜  
勉同心共矢冰霜蔣督學給淑德冰心扁旌其門

賈氏衛梓妻年二十一歲夫亡無子矢志堅貞翁廷璧  
以堂孫魁元繼之時魁元方週歲恩勤鞠育今已游  
庠矣氏念翁衰老無子勸娶臨汾樊氏及得一女而  
翁亡與繼姑冰蘖共矢三十餘年督學使者表其閭  
曰節孝維風

孔氏王萬義之妻夫歿氏二十四歲姑老子孩家極貧

卷三  
六  
氏堅貞自矢紡織事姑養生送死俱無遺憾撫孤子  
維倫維紀成立備極艱辛年七十歲卒

喬氏生員李自振之妻氏年二十六夫亡遺二幼子家  
極貧氏克勤克儉撫育成立苦節四十四年

高氏張象謙之妻十六歲于歸十九歲夫亡無子氏毀  
容骨立誓死靡他孝奉舅姑竭誠盡敬後撫姪爲嗣  
閱三十二年冰霜勁節闔邑稱之

宋氏喬樹槩之妻年十七歲于歸二十五歲而寡所生  
一子夫歿隨亡家極貧事舅姑盡禮翁病侍湯藥晝

夜不懈冰霜勵操苦而益堅夫叔郡庠生喬復巖憫其苦守無嗣爲繼一男一女室家之後不幸男女皆喪邑人悲之卒年六十三

鄭氏衛彩之妻結褵一載夫亡氏年十八歲家極貧誓死苦守撫堂姪罷兆爲嗣紡織度日迄後口齒餘積家亦漸饒

郭氏衛成清之妻夫亡氏方二十一歲痛無子女以堂姪則誠爲子事舅姑至歿盡誠盡禮家雖極貧無遺憾焉苦節三十三載

張氏生員衛淑康之妻二十二歲夫亡子延泰方四歲氏冰蘖自矢課子及孫克成夫志子爲防禦所孫二廣已捷武闡壽臻八十五歲

王氏州同知侯建勲之妻上舍瓚之母夫亡時二十七歲翁姑衰老子瓚尙在抱氏堅貞自矢仰事俯畜迄無遺憾卒年六十九

張氏生員毛仕富之妻太學生毛天位母也夫蚤逝子方弱齡苦志成節孝事翁姑諸子成立家道寢昌年屆八旬猶紡織不倦通邑稱賢